

Vasvrae by die Dienssentrum



Hierdie week se program by die Heilbron Dienssentrum is geopen deur pastoor Caryl Loots. Die program het bestaan uit 'n vasvrae waaraan twee spanne deelgeneem het. Gelukkig of ongelukkig, die spanne se eindtotaal het gelykop geëindig.

Lietsjie-yskastert

BESTANDELE

Kors

- 200g tennisbeskuitjies
- 80ml botter

Vulsel

- 160g lietsjiejellie
- 250ml vars room
- 385g kondensmelk
- 312ml kookwater
- 375ml ongegeurde jogurt

Bolaag

- 420g ontpitte lietsjies
- 20ml mielieblom
- 30ml suiker

METODE

Kors: Kap die tennisbeskuitjies in die voedselverwerker tot fyn. Smelt die botter en roer dit by die beskuitjekrummels. Druk dit op die bodem van 'n tertbord met 'n deursnee van 24cm wat met botter op die bodem gesmeer is.

Vulsel: Roer die kookwater by die jelliepoeier terwyl dit aanhoudend geroer word tot opgelos. Laat eenkant om af te koel. Klits die room met 'n elektriese klitser tot amper styf. Roer die jogurt by die room in en roer tot gemeng. Meng die kondensmelk by die afgekoelde jelliemengsel en roer die jogurtmengsel tot gemeng. Giet die mengsel in die tertbord en plaas in die yskas om te stol.

Bolaag: Giet die hele inhoud van die blikkie lietsjies en roer die suiker by. Meng 'n bietjie van die vloeistof by die mielieblom en roer tot 'n gladde pasta. Verhit die lietsjiemengsel tot warm, giet die mielieblompasta by en roer tot die sous verdik het. Verwyder van hitte. Laat 'n bietjie afkoel en skep dit bo-op die tert. Plaas in die yskas tot gestol.



Briewe aan: Die Redakteur

Die volgende skrywe is ontvang van Elsie le Grange gerig aan die Redakteur.

Enigste huis in Sandersville sonder krag.

Waarom, hoekom en vir wat? Ek is die eienares van huis nommer 4 in Sandersville. My RDP huis is seker nou al vir meer as drie jaar klaar gebou, terwyl ek nou nog sonder krag tevrede moet wees. Al die ander RDP huise se krag is lankal iets van die verlede. Ek is moedeloos en sit op moed verloor se vlakte. My kuite het al spierverrekkings of sal ek dan nou sê krampe ontwikkel van al die op en af munisipalekantore toe. En dit vir niks. Mnr Ashley Matroos is 'n groot ANC verteenwoordiger by wie ek ook al baie gaan kla het, maar dit alles tevergeefs. My woorde val op dowe wees. *Empty promises!* Dit is natuurlik baie lekker vir hom om *on* en *off* te kan *switch*, terwyl ek met 'n Mboula vuur tevrede moet wees. Potte swart gerook. Die krans hou ek nou al vir jare. Miskien sal bobbejaan my kom verlos. Mnr Matroos jy

sit in die stoel van gerus nadat ek vir die ANC gevote het. Dit is ook een van die redes waarom jy daardie posisie beklee. Hoeveel keer het ek nie nou al by jou gaan kla nie, maar sonder enige *response*. Jy ontwikkel nou selfs al 'n boepie van al die lekker lewe, terwyl ek met die gemors moet tevrede wees. Ek het gehoop en vertrou dat jy jou sout sal werd wees, maar ek het my misgis. Is dit wat jy nou *service delivery* noem. Ek moet natuurlik met 'n kerslig tevrede wees. Ek stap binnekort oor na die DA waar ek miskien sal hulp kry. Onthou die ANC kan met een stem verloor. Ek het my oë opgeslaan na jou toe en nie na die berge, maar dit is die bitter pil wat ek moet sluk. Toe trek op jou sokkies en wys my jy is 'n staatsmaker. Die wit munisipale lorie ry af en toe verby my huis net soos jy met jou blink ANC motor. Miskien sal van ons ANC inwoners na my kragaanluiting kan skreeu, "Hoera vir Ashley"! Dit is ook die groot vraag, wanneer? Siek en sat van Sandersville.

Aandag alle Fynproewers

Die Heilbron Fynproewersgilde se eerste byeenkoms vir 2019 vind vanaand plaas. Dit belooft om 'n aand propvol verrassings te wees!

Indien u enige nuus vir die koerant het, skakel of stuur e-pos vir Jolandri by 079 846 1075 of 058 852 3033
E-pos: heraldnuus@heilbron.co.za

Skenk jou skryfbehoeftes

Maak 'n verskil

Dit is Januarie en die skooltas is reeds netjies gepak, propvol nuwe skryfbehoeftes om die nuwe skooljaar aan te pak. Vir talle gesinne is hierdie tyd van die jaar egter 'n groot bekommernis wanneer kinders, sonder die nodige skryfbehoeftes, benoud en skaam skool toe moet gaan. Saam kan ons egter 'n verskil maak en seker maak elke leerder begin die jaar met groot opgewondenheid!

Office National loods 'n nasionale projek

waar skryfbehoeftes geskenk kan word aan minderbevoorregte leerders.

Bring jou ou potloodsakkie met vergete penne, potlode en meer om jou bydrae te lewer. Donasies word ook verder beloon met groot pryse vir fote en leerders wat deelneem. Neem 'n foto van jou donasie en plaas dit op sosiale media met die #ONmystationerypledge merk. Herald Office National sien uit om saam met jou 'n verskil te maak! #ONmystationerypledge



Office National

Butterfly

While you're preparing for the new school year; help other students who can't afford to buy new stationery in the new year.

Office National

Butterfly

DONATE your old stationery & Stand a chance to WIN BIG PRIZES FOR YOU AND YOUR SCHOOL!

Simply donate your old school supplies to nearest Office National store.

Take a picture of your donation post it on social media using #ONmystationerypledge

Prize for school includes a Mobile library valued at R10 000.

Prize for learner includes a Laptop, colour printer, laptop bag, desk, earphones, stationery and accessories valued at R10 000.

For more information and updates on the competition, follow our Facebook page: <http://officenational.co.za/back-to-school-with-office-national>

Office National

Bantex

Canon

Pentel

Rexel